



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 19. december 2023
J.nr.: 01.31.06/23-01063

**Aningaasaqarnermut Akileraartarnermullu Ataatsimiititaliap marlungornermi ulloq
19. december 2023-mi aalajangiineranik Naalakkersuisunut ilisimatitsineq.**

**Taarsigassarsisitsisarnermi atortumik nutaamik pisinerup aamma ineriartortitsinerup
kiisalu atulersinnissaata piviusunngortinnera. Ataatsimiititaliaq suliaa nr. 01.31.06/23-
01063.**

”Naalakkersuisut inassutigaa,

kontumut pingaarnermut 82.20.02 Pisariillisaaneq-suliniut, ERP, suliniut nr. 90.029
Taarsigassarsisitsisarnermi atortumut nutaamut aningaasaliissutit 5,0 mio. kr.-
nik 2023-mi qaffanneqassasut, aamma

kontumi pingaarnermi, 80.00.01 Nuussinissamut sillimmatini aningaasaliissutit 2023-mi
5,0 mio. kr.-nik appartineqassasut.”

Aningaasaqarnermut Ataatsimiititaliap oqaaseqaatai apeqquataalu

Qarasaasiaqarnikkut atortunik nutaanik isumannaatsunillu atuilernissap
piviusunngortinneqarnissaanik pisariaqartitsineq annertusiartuinnarmat ataatsimiititaliamit
maluginiarneqarpoq. Tamanna tunngavigalugu aningaasat qarasaasiaqarnermut
suliassaqarfimmi qanoq atorneqartarnerat pillugu erseqqinnerusumik oqaloqatigiinnissamut
itisiliillunilu nassuiaasoqarnissaanut ilisimatitsiffiusumik ataatsimiinnissamut
ataatsimiititaliaq kingusinnerusukkut aggersaalersaarpoq.

Aningaasaqarnermut Ataatsimiititaliap aalajangenera

Naalakkersuisut inassuteqaataat Aningaasaqarnermut Ataatsimiititaliamit **akuersissutigine-
qarput.**

Inussiarnersumik inuulluaqqusillunga

Aasi Chemnitz Narup

Aningaasaqarnermut Akileraartarnermullu Ataatsimiititaliap siulittaasua